

# SEEV

## Seev, Zaj 2 thiab 3

### Zaj nkauj seev ob.

2 : 2 + 10 - 14 + 18 - 19.

**2** 2 HUAB TAIS ua ib siab tsis hlub neeg, nws rhuav Yas Kos cov tsev tas huv si. Nws npau taws, nws tsoo cov yeej zeb xov Yus Das.

HUAB TAIS muab lub teb chaws thiab cov loj tsuj ntiag rau hauv av, nws ua tus tsis hwm lawv. 10 Cov txwj laus nyob Xis Yoos zaum ntsiag to hauv av, lawv nphoo plua tshaib rau lawv taub hau, lawv hnav hnab tsaj. Cov ntxhais nyob

Yes Lus Xas Les nyo hauv ntsia hauv av.

11 Kuv kua muag puv kuv qhov muag tas. Kuv ib ce xob. Kuv siab ntsws yaj tas. Vim kuv haiv neeg tus ntxhais cov pob txha lov tas, cov me nyuam yau thiab cov me nyuam mos ntog pawg lug hauv tej tshav puam. 12 Cov me nyuam nug lawv niam tias :

"Mov nyob qhov twg ? Dej haus nyob qhov twg ? Lawv tshaib tshaib lawv zoo li cov neeg raug mob yuav tuag. Lawv pw ntawm tej tshav puam nyob hauv nroog. Lawv nyob hauv lawv niam xub ntiag, lawv tso lawv tus plig mus."

13 Yes Lus Xas Les, yuav muab koj piv rau dab tsi thiaj yog ? Xis Yoos, leej twg thiaj yuav cawm tau koj, thiab yuav nplij tau koj ? Koj raug kev puas kev ntsoog loj cuag li lub hiav txwv, leej twg thiaj yuav kho tau koj ?

14 Koj cov Yaj Saub tau hais tej yam ua kom fam koj qhov muag tuaj ntxias koj. Lawv tsis fam koj qhov muag tuaj nplij koj. Lawv tsis hais koj cov txhaum, lawv tsis tau pab kom koj dim ntawm kev mus nyob txim lawm pej kum теб. Lawv tsuas tau hais lus dag lus cuav rau koj, lawv tau ntxias tau haub koj.

18 Nkauj xwb Xis Yoos, koj hu txog HUAB TAIS, koj quaj mog. Nruab hnub, koj cia kua muag poob, hmo ntuj, koj cia kua muag ntws zoo li ib tug dej. Koj tsis txhob so, koj tsis txhob qi muag !

19 Koj sawv tsees mas ! Hmo ntuj thaum nyuam qhuav tsaus ntuj, koj hu txog HUAB TAIS. Koj cia koj lub siab ntws li dej nyob ntawm HUAB TAIS xub ntiag. Koj tsa ob txhais tes rau nws. Koj thov kom nws cawm koj cov me nyuam uas lawv tshaib tshaib nyob ntawm tej ncauj ke mus hauv nroog.

### Zaj nkauj seev peb. 3 : 17 - 26.

**3** 17 Kuv tus plig ncaim ntawm kev thaj yeeb lawm. Kuv tsis nco qab txog txoj kev noj qab nyob zoo. 18 Kuv hais tias kuv lub zog tas lawm, chaw tso siab uas tuaj ntawm HUAB TAIS tuaj dua tas lawm. 19 Niaj hnub kuv tsuas rov xav txog kuv, kev txom nyem kev txhawj xeeb, iab kuv siab kawg ! 20 Kuv tus plig nco txog qhov ntawd tsis tseg, kuv tus plig quag zog tas nyob hauv kuv. 21 Kuv nrhiav kev rov tso siab, kuv yuav hais rau kuv lub siab tias :

22 "HUAB TAIS cov txiaj ntsim tsis tau tas, nws txoj kev zam, tseem tshuav.

23 Niaj tag kis nws rov pub cov txiaj ntsim zam, nws yog tus pheej xeeb zoo tshaj."

24 Kuv tus plig hais tias :

"Tus kuv yuav txais los ua kuv tug yog HUAB TAIS. Kuv yuav tso siab rau nws." 25 Thaum yus tso siab rau HUAB TAIS mas HUAB TAIS ua siab zoo rau yus. 26 Tsim nyog yuav ua twj ywm tos txog txoj kev cawm tuaj ntawm HUAB TAIS tuaj.

# NPAS LWS

## Npas Lws, Zaj 1 thiab 3

**Tsoom His Xas Lais lees txhaum nyob Npas Npis Los. 1 : 15 - 22.**

**1** 15 Nej yuav hais li no : Peb tus Huab Tais Tswv Ntuj yog tus siab ncaj. Ntawm peb mas peb nyob hauv txoj kev txaj muag. Cov nyob Yus Das teb los nyob Yes Lus Xas Les, lawv ua neej nyob hauv txoj kev txaj muag.

16 Peb cov vaj, cov nom tswv, cov Leej Choj, cov Yaj Saub thiab peb cov yawg koob sawv daws puav leej ua neej nyob hauv txoj kev txaj muag.

17 Vim peb tau ua txhaum rau Huab Tais. 18 Peb tawv ncauj, peb tsis mloog peb tus Tswv Ntuj lub suab. Peb tsis ua raws li cov lus ceeb toom uas nws qhia rau peb.

19 Txij hnub Tswv Ntuj coj peb cov yawg koob tawm ntawm Hais Nkws Tos teb los txog hnub no, peb tau tawv ncauj rau peb tus Tswv Ntuj. Peb tsis ua tib zoo xav tswv yim, peb tsis mloog nws lub suab qhia.

20 Li ntawd, peb thiaj tau raug xwv txheej thiab raug Ntuj los lus tsawm raws li Tswv Ntuj hais rau nws tus tub txib Mais Xes, hnub uas nws coj peb cov yawg koob tawm hauv Hais Nkws Tos teb los, vim nws xav muab ib lub teb chaws uas mis nyuj thiab zib mu ntws sis laub sis lug rau peb xws li niaj hnub no.

21 Peb tsis mloog peb tus Tswv Ntuj. Peb tsis mloog cov lus uas nws cov Yaj Saub xa tuaj rau peb.

22 Peb nyias ua raws li nyias lub siab phem. Peb mus teev lwm cov dab thiab peb tseem ua tej yam tsis ntxim peb tus Tswv Ntuj lub siab."

**Nyob Npas Npis Los tsoom His Xas Lais thov txhaum ntawm Tswv Ntuj. 3 : 1 - 8.**

**3** 1 Huab Tais muaj hwj huam, His Xas Lais tus Tswv Ntuj, ntawm no yog ib tug plig raug kev txob siab, yog ib lub tswv yim qaug zog hu txog koj tias :

2 "Huab Tais, thov koj mloog thiab hlub peb, vim peb tau ua txhaum rau koj. 3 Koj zaum ciaj ua vaj mus li. Hos peb tuag sis cab nraws.

4 Huab Tais muaj hwj huam, His Xas Lais tus Tswv Ntuj, thov koj qhib ntsej los mloog His Xas Lais cov tub tuag. Thov koj mloog peb lo lus thov koj, peb yog cov tau ua txhaum rau koj lawv phaj tub. Peb yog cov tsis tau mloog koj lub suab phaj xeeb ntxwv, txoj kev raug xwv txheej thiaj raws peb nraim.

5 "Thov koj txhob nco txog peb phaj txiv phaj yawg tej txhaum. Nyem no thov koj rov nco txog koj lub hwj huam thiab koj lub koob meej.

6 Koj yog peb tus Huab Tais tiag, peb yuav cav lus zoo txog koj.

7 Vim koj tau ua kom peb hwm koj hauv peb nruab siab, peb thiaj yuav hu txog koj lub npe. Peb raug txim ua qhua rau pej kum teb, peb yuav cav txog koj. Peb phaj txiv phaj yawg tau ua txhaum rau koj, los peb xyeeb phaj txiv phaj yawg txoj kev txhaum mus deb ntawm peb lub siab.

8 "Peb tawg tas, peb raug txim ua qhua nyob pej kum teb no. Peb raug luag thuam, raug luag tsawm kom peb them txim. Yog vim peb phaj txiv phaj yawg tau ua txhaum ntawm thiab lawv txav mus deb ntawm peb tus Huab Tais Tswv Ntuj.

**HUAB TAIS pub kev thoob tsib rau cov His Xas Lais. 3 : 29 - 38.**

29 "Leej twg nce mus saum ntuj thiab nthos tau txoj kev thoob tsib, thiab coj tau nws nqes saum faj huab los ?

30 Leej twg hla tau hiav txwv mus nrhiav tau txoj kev thoob tsib thiab muab kub los muas kev thoob tsib thiab coj los tau ?

31 Tsis muaj leej twg paub nws kab, tsis muaj neeg pom nws kev.

32 Tab sis tus paub tas ib puas tsav yam nws kuj paub kev thoob tsib. Nws lub tswv yim to taub kev thoob tsib. Nws yog tus tu lub ntiaj teb thiab muab tej tsiaj los nyob kom puv.

33 Nws yog tus xa qhov pom kev tuaj. Thaum nws hu qhov pom kev rov los, mas qhov pom kev ntshai tshee na mloog nws lus rov los.

34 Cov hnub qub ci luag nyav thaum hmo ntuj.

35 Nws hu cov hnub qub, ces lawv teb tias : "Peb nyob ntawm no !"

Lawv ci luag nyav rau tus tsim lawv.

36 Peb tus Huab Tais yog tus ntawd. Tsis muaj lwm tus uas peb yuav muab los piv rau nws tau.

37 Huab Tais tau tsom pom thoob plaws txoj kev paub txuj paub ci. Nws tau qhia kev paub txuj rau nws tus tub txib Yas Kos, rau tus tub zoo nyiam His Xas Lais paub.

38 Txoj kev paub txuj paub ci uas li ntawd tas, mas nws tawm tuaj rau yaj ceeb pom, nws nrog tib neeg nyob."

**Yes Lus Xas Les quaj, vim nws cov neeg mus nyob txim lawm pej kum teb. 4 : 5 -12 + 27 - 29.**

**4** 5 "Kuv haiv neeg, nej ua siab loj ! Nej yog pab neeg ua kom sawv daws nco tau tias tseem tshuav haiv His Xas Lais. 6 Luag muab nej muag rau cov kuj cuab, tab sis tsis yog ua kom nej ploj mus tas. Nej tau ua Huab Tais npau taws, ces nej raug poob rau hauv cov yeeb ncuab txhais tes.

7 Nej tau ua kom tus tsim nej npau taws, vim nej ua tej thaj txi dab, nej tsis txi Tswv Ntuj.

8 Nej hnov qab tus yug nej, tus Tswv Ntuj nyob mus li. Nej tau ua kom Yes Lus Xas Les uas yog tus tu nej hlob tu siab.

9 Yes Lus Xas Les tau pom Huab Tais npau taws rau nej, nws hais tias : "Xis Yoos tej viv ncaus, Huab Tais tso kev tuag loj rau kuv !

10 Kuv tau pom tus muaj txoj sia nyob mus li tso kuv cov tub cov ntxhais rau luag coj mus nyob txim lawm.

11 Kuv zoo siab luag ntxhi tu lawv kom hlob. Zaum no kuv quaj thiab kuv chim siab ntsia lawv txav mus.

12 Txhob muaj leej twg lam hnyos kuv tias kuv yog ib tug poj ntsuam uas raug luag tso pov tseg. Kuv nyob ib tug twm zeej yog vim kuv cov me nyuam ua txhaum, lawv ncaim ntawm Tswv Ntuj Txoj Cai.

27 Kuv cov me nyuam, nej ua siab loj ! Nej hu txog Tswv Ntuj, tus sim nej siab yuav rov nco txog nej.

28 Yog nej tau ncaim deb ntawm Tswv Ntuj lawm. Thaum nej tig los yuav lub siab tshiab, nej yuav kub siab nrhiav nws zoo dua yav thaud kaum npaug.

29 Tus uas yav tas tau tso xwv txheej tuaj rau nej, nws yuav cawm nej thiab yuav pub txoj kev zoo siab rau nej mus li."

**Yes Lus Xas Les yuav rov zoo siab vim cov nyob Npas Npis Los yuav rov los. 5 : 1 - 9.**

**5** 1 Yes Lus Xas Les, koj hle koj lub tsho tu siab thiab lub tsho txom nyem pov tseg ! Koj muab Tswv Ntuj lub hwj chim zoo nkauj los ua tsoos rau koj hnav mus li.  
 2 Koj muab Tswv Ntuj txoj kev ncaj los ua koj lub tsho tshaj sab, koj muab Tus Nyob mus li lub koob meej los rau koj ua kaus mom ntoo.  
 3 Vim Tswv Ntuj yuav muab koj lub meej mom rau lub qab ntuj khwb pom xyeem. 4 Tswv Ntuj yuav tis npe rau koj mus li zoo li no :  
 "Cov neeg ncaj t xo j kev thaj yeeb, cov neeg hwm Ntuj lub hwj chim !" 5 Yes Lus Xas Les, koj sawv tsees mas ! Koj mus nyob pem hauv sab ! Koj ntsia sab hnub tuaj saib ! Koj pom koj cov me nyuam sib t xo os qw ntsuag qees txij toob fab mus rau xib fab.

Yog tus Ntshiab coj lawv kom los, vim Tswv Ntuj nco ntsoov txog lawv.

6 Thaum ntej, koj cov me nyuam tau ncaim koj mus ko taw. Yeeb ncuab cab lawv. Tab sis nyem no Tswv Ntuj coj lawv rov los rau koj, nws nquam lawv los xws li tus vaj cov ntxhais muaj hwj chim zaum hauv lub theej kiab vaj ntxwv.

7 Tswv Ntuj tau txiav txim siab kom tej toj roob siab thiab tej pov roob uas ib txwm nyob, cia li qis. Tswv Ntuj txiav txim kom txhub tej hav tob kom lub teb chaws tiaj. His Xas Lais thiaj yuav ntau j kev, lawv yuav tau nyob nyab xeeb hauv Tswv Ntuj lub hwj chim.

8 Cov hav zoov, hav ntoo tsw qab yuav ua ntxoov ntxoo roos His Xas Lais, vim Tswv Ntuj txiav li ntawd.

9 Tswv Ntuj yuav coj His Xas Lais mus taug t xo j kev lom zem, mus taug t xo j kev pom kev lug nyob hauv nws lub hwj chim. Nws yuav cia nws lub siab khuv leej neeg thiab nws lub siab ncaj ua lawv luag mus kev.